



Universitätsbibliothek Paderborn

Unius Necessarii pars ...

Appendix Unius Necessarii, Summatim recolligens - firmiusque constabiliens, explicatam in toto illo opere in deo vivendi rationem. Copioso totius operis, &memorabilium in eo rerum indice ad calcem adjecto ; Italice primo vulgatum [et] Latine nunc redditum

Rogacci, Benedetto

Pragae, 1721

Caput III. Qualisnam exterior ejusdem vita esse debeat.

[urn:nbn:de:hbz:466:1-54520](#)

CAPUT III.

Qualisnam exterior ejusdem vita esse debeat.



On tamen ad vitam usquequaque divinam sat est, ut interiores hominis actus à DEO, & propter DEUM sint, requiritur præterea, ut omnis quoque externa actio sit talis; quod tunc planè eveniet, si nihil agatur, quod DEO displicet, aut minus placet, nihil omitatur, quod DEUS fieri velit: & nihil denique non propter DEUM, aliave ratione, quam DEO maximè placita agatur. Cùm facile appareat, neutquam perfectè, atque omnino divinam esse posse vitam, quæ non ita ducatur, vel, quæ ita ducitur, perfectè divinam non esse. Superest tantum, ut planioris intelligentiæ causâ hanc illius perfectiōnem particulatim explicemus, quam, ut tota uno obtutu perlustrari posset, generatim solummodo innuinus.

2. Ordiendo igitur ab actionibus, quas vita exterior omnino divina tanquam sibi adversantes repudiat, & suscipi à suis sectatoribus vetat; in tria genera partiri illas pos-

sunt.

sumus. Primæ sunt, quæ, quod vel naturâ
suâ pravæ sint, vel justa lege prohibeantur,
DEO displicent, & patrari absque offensa il-
lius nequeunt. Circa quas nemo non videt
itâ comparatum debere animo esse, qui vitam
eiusmodi sectatur, ut nullum pestis, atque
exitii genus majori cum horrore devitet,
quâm earum vel minimam: certiorque sit,
nolle se ex iis ullam patrare, quâm certus ex
naturæ instinctu est, nolle ardentem in roguin
insilire, vel è turris fastigio deorsum se præ-
cipitem dare: nec de iis unquam cogitet sinè
extremæ abominationis sensu, tanquam de
objecto longè omnium tetrostimo: alienissi-
mam ab omni ratione, & similem portentî
existimans, nedum tam detestandæ rei electi-
onem, sed vel tenuem appetitus propensiun-
culam ad eam eligendam: esto amplissimum
quodque id facienti offerretur præmium, &
gravissimum quodque abnuenti intentaretur
supplicium.

3. Secundum obtinent locum, quæ nil
quidem turpitudinis à natura sua habent, ne-
que ulli divinæ legi repugnant, itâ ut per eas
DEUS offendatur; sed neque eidem placent,
imò re ipsa, apertèque ipsi placet, ab iis ab-
stineri. Cujus generis sunt, seu quæ in reli-
gio-

giosis ordinibus citra culpæ reatum vetantur, seu quas conscientiæ nostræ moderatores nobis dissuadent, seu à quibus nos ipsi experimur spirituali nostro profectui impedimentum afferri, quatenus & complurium leviorum culparum occasionem nobis præbent, & perfectam voluntatis libertatem imminuunt, & divinæ charitatis ardorem refrigerant, propriumque è contrario nostri amorem fovent, qui vel unica, vel præcipua eas volendi causa est. Unde, tria quoque alia, nec minùs manifesta subsequuntur earum imperfectionis indicia: nimirum quòd & D E U S repetitis interiorum hortatuum stimulis ad eas vitandas nos urget, & nos ipsi multoties inter rerum divinarum meditationem cælesti lumine uberiùs illustrati decrevimus ab iis abstinere, & vix unquam contingit, ut eas sine remorsu conscientiæ, animique inquietudine aggrediamur, & postquam patravimus, nullus in nobis pœnitentiæ, ac pudoris sensus supervisit. Neque dubitari potest, quin ab his quoque anima, non nisi ex DEO, & propter DEUM vivens, similiter abstinere debeat, ac si omnis eas volendi nedum justa ratio, verum etiam facultas deesset. Cùm enim nihil possit homo seu agere, nisi velit; seu velle, nisi

nisì causam volendi habeat, & talis anima non nisì à DEO accipiat volendi, quæcunque vult, causas, perinde est, quòd à D E O hīc non habeat, ac si nullam prorsus volendi causam haberet, omnīsque illi propterea, ut volendi, sic agendi facultas deesset.

4. Similes aliquo pacto his secundis, nisi quòd nihil spiritualis noxæ, aut periculi creant, actiones tertii generis sunt: actiones nimirum quām plurimæ, innato hominis appetitui jucundæ, veluti exempli gratiâ non-nullas commoditates sibi indulgere, aliquibus studiis suo genio accommodatis vacare, videndi cupiditatem, hæc aut illa objecta intuitendo explere, hujus potiùs, quām alterius generis dapibus vesci, deambulandi, & captandæ auræ gratiâ domo prodire, hyemis tempore ad focum accedere, honesto lusu curarum seria remittere. Ad quæ, & alia hujusmodi omittenda, licet nullo seu peculiari DEI afflatu, seu prudenti nostrorum moderatorum consilio incitemur; neque ullo tamen ad eadem factitanda necessitatis, aut validæ rationis stimulo impellimur, & subigendi amoris proprii causâ, iis abstinere majoris meriti, ac DEO gratiior res foret. Neque aliud de his itèm actionibus dicendum

videtur , nisi opus esse , ut , qui nihil in agendo , præter majus DEI obsequium intuetur , iis sibi interdicat : utpote ad quas perfectus DEI amor , & studium ei magis placendi nullo pacto potest impellere .

5. Erit igitur operæ pretium , si , quoties occasio se præbet , faciendi aliquid sibi naturaliter volupe , putà comedendi oblatum in mensa edulii sapidioris genus , librum argumento , & stylo per amœnum legendi , sciscitandi de rebus , quæ curiositatis illecebra animum vellicant , egrediendi relaxationis gratiâ è cubiculo in hortum domesticum , aut quidquam aliud hujus generis agendi ; statuat protinus ab eo faciendo abstinere , dicens intrâ se : quamvis hoc facere humano meo sensui multum arrideat , illud tamen ex mortificationis studio relinqu magis DEO placet . Cur ergo mihi potius gratificari , quam ipsi velim ? Absit : nullo pacto id feram ; certum , deliberatumque est , meam hanc delegationem illius amori , & obsequio immolare . Erit , inquam , operæ pretium , si in qualibet prædictarum occasionum ita se gerere assuefcat . Vel enim genialis illa operatio ejusmodi erit , quam omittere omnibus rite astinatis ipsi sit integrum , vel ejusmodi , quam

quam suscipere à suorum Præsidum voluntate, seu gravi alia ratione cogatur. Si primum, exequetur circa illam, quod decrevit, ab eaque se continens, gratiorem DEO rem faciet, & plus apud eundem meriti acquiret. Sin verò secundum, audiet confessim rationes sibi intrinsecus suggeri, ex DEI voluntate, & obsequio petitas, quæ eligendam esse illam potius, quam repudiandam suadent: poteritque earum vi permotus, non sinè merito, & laude virtutis prius decretum suum abrogare; subjiciens: si ergo res ita se habet, quemadmodum quòd hæc actio cum naturali propensione mea congruit, supercedendum mihi illa censueram; sic eandem, quòd majori nunc D E I obsequio consentanea appareat, non meæ cupiditati, sed divinæ duntaxat voluntati morem gerens aggrediar. Ex qua agendi ratione primum cuique est videre, duas ipsi, & admodum quidem eximias utilitates proventuras: alteram, quòd nihil ex iis, ad quæ naturalis appetitus propendet, quæque ex mero instinctu illius fieri possent, faciendum suscipiet, sinè prævia supernaturali voluntate ab illo abstinenti, & sinè expresso rationum divinarum respectu, quæ ad id potius volendum, quam nolendum

se impellunt; alteram, quod multis quotidie
humanis oblationibus ex divino amore
suum genium fraudabit, plurimosque magni
meriti actus, & Deo valde gratos elicit, quos
alioqui, juxta innatas propensiones, & im-
perfectorum hominum consuetudinem ope-
rans, praetermisisset.

6. At quid statuendum ei erit circa illa,
quorum omissione, licet ad alicujus virtutis ma-
teriam pertineat, ac proinde secundum suam
speciem plus eorundem electione DEO pla-
ceat, dubitari tamen potest, num etiam in
particulari aliquo casu, & ratione habita in-
commodorum, quæ aliis virtutibus proveni-
re ex ea possent, majoris divini obsequii res-
sit. Veluti exempli gratiâ esset honesta ali-
qua corporis, animive refectione: quam sibi
denegare, ad proprium hoc pacto sui amo-
rem coercendum, videt homo esse quidpiam
ex genere suo laudabilius, & propterea Deo
magis acceptum: sed timet altrinfecus, nè
sinè illa propter suarum virium imbecillita-
tem minus habilis sit ad vacandum orationi,
& ad illa in proximorum salutem ministeria
obeunda, quæ cæteroqui secundum rationem
sui muneris sunt: nesciens proinde, utrum
melior perpensis omnibus sit mortificatio,

quæ

quæ in illa repudianda exercetur , an idonea rectè operandi facultas , quæ ex capienda illa provenit ; hæret igitur dubius , utra in parte reperiatur , & quærenda sit illa *voluntas Dei bona* , & *bene placens* , & *perfecta* , (c. 12.) quam D. Paulus Romanis commendat . Neque in hac sola , sed in pluribus quoque aliis materiis prædicta dubitatio habet locum : veluti in splendido aliquo munere , circa quod in contrarias sæpe partes ab humilitate , & charitate impellimur : à prima nempe ad illud recusandum honoris causâ , qui indè ad nos redundaret ; ab altera verò ad capessendum respectu utilitatis , quam eo fungentes afferre aliis poterimus : aut velut in cantu sacro , à cuius dulcedine hinc auditum titillari , indè mentem ad DEUM rapi experimur : dubii interim remanentes , plūsne mortificationis studium nos debeat movere ad negandas , an pietatis , ad præbendas ei aures .

7. Possem quæstioni huic respondere : ubi supernaturalia duo bona , inter quæ non appareat , utrum majoris ponderis sit , hoc ad unam , & illud ad oppositam partem nos urgunt ; à nulla prudentiæ lege nos cogi ad sequendos unius potius , quam alterius impulsus ; & consequenter , utrumlibet è contra-

riis quis eligat, æquè saltèm formaliter Deo placitum, neque opus esse, ut anxietate ultra torqueatur, eò quòd in operis materia subesse occulta aliqua inæqualitas possit: cùm hujusmodi inæqualitas, et si revera ibi existeret, nequeat, utpote imperspecta, & mentis aciem effugiens, nisi minima esse, spectarique tanquam morale aliquod nihilum mereatur, juxta D. Thomæ sententiam, quo authore: *Quod parum est, quasi nihil, accipit ratio.* Ità, inquam, respondere possem, si electuri appetitus non in unam magis, quàm alteram ex contrariis partibus vergeret. At, cùm in exemplis allatis nimiùm quàm manifestè naturalis appetitus, & ad rei electionem propendeat, & ab ejusdem omissione abhorreat, æquè itè manifesta metuendi causa est, nè ejusmodi affectionum diversitas judicii æquitatem depravet, efficiens, ut menti ità obnoxiae utriusque partis rationes ejusdem ponderis, & momenti appareant, inter quas, recta, & neutrò inclinante lance perpensas, facilimè discerni inæqualitas posset. Prædictâ igitur regulâ in præsens omissâ, duas ei alias opportuniiores substituo: primam longè certissimam, nempe ut, quisquis ità ambigit, spiritualis sui rectoris sententiam exquirat, & quod

quod ei magis probabitur, DEO etiam magis placere persuasissimum habeat: alteram minùs quidem certam, sed si prioris occasio, & facultas desit, inter reliquas optimam; ut nimirum coram DEO examinet, quid utilitatis rem facienti, quidque dispendii eandem omittenti eveniret: & si permodicum esse apparuerit præ contraria omissionis honestate, illud despiciat: sin verò magni ponderis; stantem ex adverso non necessariæ mortificatio- nis actum posthabendum ei putet.

8. Demonstrato hunc in modum, quid in agendo prætermittere oporteat, ut nostra exterior operatio sit omni ex parte divina, demonstrandum jam est, quid actionum necesse sit eandem ob causam suscipere. Harum porrò tria item nobis genera occurunt. Primum eas continens, quas omnino DEUS præcipit, adeò ut omitti sine offensa illius nequeant. Secundum earum, quas exerceri quidem amat, sed non ita, ut iis prætermisis, injuriam sibi fieri arbitretur. Tertium ex iis constans, quæ licet ex genere suo magis ei placent, dubitari tamen potest, num in his, aut illis particularibus circumstantiis secus eveniat. Quantum ergo ad primas, neminem fugit, quam eas suscipiendi volunt-

tem habere in animo debeat, qui D E O uni
vult vivere: voluntatem nempe tam certam,
promptamque, & instinctui illi similem, quo
corpora ad suum centrum feruntur; ut eas,
quotiescumque res, locisque ita fert, nulla
habita superandæ difficultatis, incommodi
subeundi, aut cuiuslibet alterius impedimen-
ti ratione, tanquam rem non modò justissi-
mam, sed & prorsus necessariam illico arri-
piat; neque id quidem *ex tristitia*, aut *ex ne-
cessitate*, tanquam ægre ferens illarum se præ-
cepto obligari, & servili pœnæ metu ad pa-
rendum violenter abreptus, sed cum alacri-
tate, atque gaudio, pro amoris potius exer-
citio, quam pro servitii jugo illas habens, ge-
stiensque, & eos Regii Vatis versiculos ite-
rans: *Portio mea, Domine, dixi custodire legem
tuam. In capite libri scriptum est de me, ut fa-
cerem voluntatem tuam. DEUS meus, volui, &
legem tuam in medio cordis mei.* (Ps. 118. ¶ 39.)
Sicut enim supremum Legislatorem plus se
ipso amat, fieri non potest, quin plus etiam
quibuslibet aliis naturaliter sibi charis obje-
ctis leges ab eo conditas amet, libentijsque
exequatur, quod ille præscribit, quam si ad id
faciendum à vehementissimo naturæ instin-
ctu urgeretur.

9. Nec

9. Nec dissimili cum voluntatis affectu
fusciendæ illi sunt actiones secundi generis,
quas licet omitti fas sit, gratius tamen Deo est
eas exerceri: cujusmodi sunt quævis ultronea
erga sanctissimam Eucharistiam, DEI param
Virginem, & beatos cæli cives obsequia, si-
gnificationes cultûs, eorum imaginibus, fe-
stis, atque aris exhibitæ, pii templorum o-
randi causâ aditus, frequens Sacramentorum,
divinæque rei usus, & quicunque præterea
exteriorès actus ad virtutem Religionis spe-
ctantes: cujusmodi sunt studia honoris sui
deprimendi, obsoleto vestitu, plebeiorum
munerum exercitatione, postremi loci dele-
tu, humili confessione priorum defectu-
um, & reliquis artibus, quas Christiana de-
missio usurpare consuevit: qualia sunt jeju-
nia, cilicinæ vestes, inficta verbera, somni
parcitas, lecti durities, frigoris, astusque to-
lerantia, & quidquid ad corpus voluntaria se-
veritate castigandum, atque in servitutem re-
digendum facit: ut sunt quælibet charitatis
officia, quibus emolumenti aliquid, vel so-
latii afferri proximis potest; denique actus
omnes Christianarum virtutum: quarum oc-
casiones prætermitti ab eo non convenit, qui
amat vocatum Davide, *vir secundum cor Dei,*

E 5

qui

qui faciat omnes voluntates ejus : (Act. c. 13.) & profiteri cum Christo : Ego , quæ placita sunt ei , facio semper : (Joa. 8.) nisi quando obedientia , vel justa alia ratio , hoc est ipsius DEI voluntas , secùs præscribit. Imò neque solum promptè arripere , sed sollicitè etiam au- cupari eorum occasiones debet , consultans identidem secum , quid in his , aut illis cir- cumstantiis faciendum sit , ut DEO magis pla- ceat : quibus modis , atque actibus exercere humilitatem possit , quibus mortificationem , quibus charitatem , & reliquas ipsi acceptas virtutes.

10. Quamvis verò ad sedulam hancce industriam satìs incitare illum possit DEO magis , magisque gratificandi voluntas , pru- denter tamen faciet , si (quando acriùs ità in- cendi sua studia experietur) nobilissimo huic incitamento aliud idem addiderit , ex sempi- terna , & inæstimabili mutuatum mercede , quam D E U S remunerator largissimus no- stris pro suo obsequio suscepis operibus in cælo persolvit. Duo hæc igitur penitus men- ti imprimat , & persæpe in memoriam redu- cat : primò scilicet , claram DEI visionem , quantumcunque in suo genere sit exigua , ne- que gradu uno major ; quia tamen infiniti

bos

boni possessio est , sufficere ad constituendos
eā frumentos absolutē beatos : immensō nimi-
rum ditiores, & solidi pleniores gaudii, quām
si possiderent , quidquid divitiarum , volu-
ptatum , potentię , & glorię in præsenti vita
obtineri ab hominibus potest. Secundò , per
quemcunque actum virtutis jus à nobis ac-
quiri ad aliquem gradum visionis divinæ , hoc
est ad tantum illius modum , quantus per se
unum , sat valet ad efficiendos nos per totam
æternitatem absolutē beatos. Undè palam
sequitur , quocunque actu virtutis plus in-
comparabiliter lucri nos facere , quām si tunc
lucrareimur , quidquid naturalium bonorum ,
& terrenæ felicitatis non modò aſsequi , sed
vel optare ulli hominum licet. Cujus con-
ſequentiæ vim , & veritatem qui probè per-
ſpexerit , ſedulò animadvertat , tempus hæc
lucra faciendi eſſe admodum breve , & incer-
tum : tempus ſcilicet ſoliuſ vitæ præſentis ,
quæ utrūm vel dieculæ ſpatio proroganda
nobis fit , ignoramus : ſed , quantumcunque
prorogetur , elabi celerrimè ſcimus , eaque
præterlapſa , nullum jam reſtare in tota ſu-
ſequenti æternitate novis meritis cumulandis
momentum : *Venit nox , quando nemo potest o-
perari.* (Joa. 9.) Stimulans ſeſe hujuscemodi
anim-

animadversione, ad indefessam rectè operandi strenuitatem, & ad enitendum pro viribus, ut quamdiu præsens tempus sufficit; (futuri enim copia in incerto est) impigro illius usu æternam sibi beatitudinem amplius usque, ampliusque adaugeat.

II. Utque hic stimulus majorem incitandi vim acquirat, fingat animo opulentissimum Regem, venationis causâ è palatio egredientem jubere, ut ærarium suum recludatur; promulgeturque simul, licere omnibus famulis, quoad ipse domo aberit, illò ingredi, & quantumcunque libeat humorum, ac pretiosarum mercium sumere: cæterum, se à venatione redeunte, clausum denuò iri thesaurum, neque ulli potestatem futuram, vel obolum indè auferendi. Fingat, inquam, hujusmodi casum: & posteaquam secum reputaverit, quis hoc statu regiorum famulorum animus foret, ut reliquis omnibus curis posthabitatis, in ærarium subito irrumperent: quām inexplicabili cum aviditate congestis illic gazis manus injicerent, & quantum possent, spoliorum festinarent avehere: quāmque nullam sibi indulgerent laboris requiem, & nullum temporis tam pretiosi momentum à novis prædis asportandis otiosum sinerent;

mea

meminerit D E U M simili pacto immensos
cælestis sui regni thesauros recludere, plenis-
sima mortalibus universis facultate data , ac-
cipiendi indè , usque ad suum in vitæ fine ad-
ventum , quantumcunque beatitudinis , glo-
riæque voluerint : *Negotiamini , dum venio :*
(*Luc. 19.*) sed ità , ut simul noverint , trans-
acto illo termino , nullum ultrà tempus sic lu-
crandi futurum ; *quia tempus non erit amplius :*
(*Apoc. 10.*) colligens hinc , quām inæstimabi-
le sit præsentis nostri temporis pretium (quip-
pe cùm in quolibet fructuose occupato illius
puncto , non minùs acquirere boni possimus ;
quām quod satìs est ad nos efficiendos plenè ,
atque æternū beatos) justāmque ideo curam
concipiens , nullum sinendi ex tam pretiosis
momentis fructu suo vacuum transcurrere :
sed soliti mercatoris studia æmulando , qui
à prima die ad serum noctis nihil seu avidiùs
quærit , seu amplectitur chariùs , quām occa-
siones ditescendi , neque ulla vel lassitudine ,
vel satietate prohibetur , nè quæstus jam factos
augere novis quæstibus pergit .

12. Sed manè præsertim , simul atque è
somno emerserit , suscitare in se ipso ardore
hos debet , pro eorum incentivo illa D. Pau-
li verba adhibens : *Bonum autem facientes , non
de-*

deficiamus : tempore enim suo metemus , non deficientes. Ergo dum tempus habemus , oportemus bonum. (Ad Gal. 6.) Neque minus sibi instans , sequens urgens , ad quam pluriimas meritorum divitias eo die sibi comparandas , quam si ex DEI revelatione illum esse mortalis suæ vitæ novissimum sciret. Eja : quid moramur ? Facest omnis desidia. Ecce nunc tempus acceptabile. Frustruosè diem hunc expendamus. Curemus , ut sit dies plenus , dies fertilis , dies opulentiaz , atque ubertatis. Quantus in eo erit nostrorum operum , tantus & proveniunt modus. Tantus , dixi , immò sine illa comparatione amplior , cum quodvis in eo exhausti laboris momentum non minori remunerandum sit , quam æternæ beatitudinis præmio , nihilque tam exile facturi simus , cui non promittatur mercedis loco DEI ipsius , hoc est infiniti boni possessio. Age igitur , nè operandi tempus ultrà verbis teratur , quasnam virtutes exercere in hoc diei exordio possum ? Quas horâ , quæ huic primæ succedit ? Quas in quibuslibet aliis , suo deinceps ordine secuturis ? Ubi plures exercere fas est , nolo unâ esse contentus. Ex occasionibus rectè agendi usque adeò certum est , nulli , quæ se ultro offeret , per ignaviam deesse ; ut

quam

quām plurimas quoque alias solerti studio, & industria conaturus sim reperire. Tūque, ô Domine! huic voluntati meæ faveas, campum mihi aperiendo, ubi plura, & plura operari ex amore tuo possim. Impelle meos Præsides, ut durioribus me imperiis exerceant; provide, ut mei sodales finè sua culpa, largam mihi suppeditent humilitatis, & patientiæ materiem. Proh quantum hac de causa illis debebo! quantum tibi gratiarum persolvam! Quām impensè sorti meæ gratulabor! Illos pro maximè amicis habebo, qui adjumento mihi erunt, ut apud té plurimum merear. Illud lātissimum ducam vitæ meæ tempus, quo plus tuâ causâ laborans, altiorēm in æternitate visionis tuæ gradum lucrabor.

13. Quod postremò ad tertiam actionum classem pertinet, actiones nimirum, D E O quidem secundùm genus suum gratas, sed de quibus tamen dubitari potest, num in his quoque, aut illis peculiarib[us] circumstantiis magis ei placeant, observo, posse hoc circa illas dubium ex dupli capite oriri. Primum est alicujus personæ conditio, cui aliqua ex prædictis actionibus videatur minus conveniens: ceu exempli gratiâ magno Prin-

ci-

cipi publica sui demissio , vel seni invalido
Hierosolymitana peregrinatio : & ejusmodi
dubia , veluti eandem prorsus difficultatem
præferunt , atque alia , de quibus suprà ad
sextum , & septimum numerum egimus ; sic
absque ulla peculiari decisione possunt juxta
regulas ibi allatas resolvi . Alterum caput
est concursus , sive occasio simul oblata actu-
um honestorum diversi generis , qui cùm fieri
unà omnes nequeant , in incerto sàpe est , quis
nam eorum D E O gratiior sit , & quem pro-
inde , qui in omnibus placere D E O maximè
studet , eligere præ aliis debeat : num exem-
pli gratiâ certain aliquam diei partem in no-
focomio potius ægrotis ministrare ; an coram
Venerabili Eucharistia publicè in templo ex-
posita orationi vacando transfigere . Circa
quod dubiorum genus , ubi libera , nostri-
que arbitrii est electio , dico , præferendum
in ea , tanquam D E O gratiorem esse actum ,
qui vel ad virtutem excellentioris generis
pertinet , vel ad nostrum spiritualem profe-
ctum plùs confert . Quòd si electio etiam
num ambigua penderet , quia ex actibus de-
ligendis alter sit naturâ excellentior , alter
verò fructu commendatior ; vel quia alter in
hoc , alter autem illo in genere utilitatis plus

pa*

pariat , nulla tunc potior mihi regula occurrit , quām ut deliberans se ipsum examinet , numquid erga actus diversos , qui in contentionem veniunt , æquè affectus , & comparatus animo sit , an verò ex peculiari aliquo sui commodi , vel honoris respectu in hanc potius , quām in illam partem propendeat ; si enim se indifferentem deprehendet , certus esse juxta superiorem nostram regulam poterit , quidquid demum eligat , æqualiter DEO placitum : neque debet propterea supervacuis consultationibus tempus terere , sed ad unum quidpiam sese applicare , vel suomet arbitratu illud eligens , vel forti decernendum permittens : non quòd existimet , ullam huic vim inesse designandi , quid in rebus dubiis factu optimum sit ; sed nè in elezione suo instinctu regatur . Sin verò proniorem se ad unam , quām ad alteram partem inveniet , satìs hoc illi erit , ut definiat , contra propriam voluntatem agendo ex divina certius voluntate se acturum . Tum quia , ubi inter partes ad eligendum propositas , quæ minùs grata homini est , vel cum hoc præjudicio voluntatis discerni ab eo nequit , minùsne bona , an melior sit ; sat perspicuè indè colligi potest , meliorem re ipsa illam

F

esse :

esse: tūm quia, licet revera non esset, qualis judici tam parūm idoneo apparet, melior; tamen hoc ipsum, quod minūs grata sit, sufficit ad illius electionem meliorem, ac propterea DEO acceptiorem reddendam. Cūm per hoc ad innatam, & propriam electæ rei bonitatem, secundūm quam non nisi æqualis illa est, nova alia adjungatur extrinseca bonitas, quod nimirum ab homine ex vincendi sui studio eligatur. Quæ accessio bonitatis parti alteri naturaliter gratiori, si ea eligetur, deesset. Neque forsan abs re erit, si hic quoque praxis illa observetur, quam suprà ad dignoscendum, quid in hisce casibus fieri magis expediat, esse utilem diximus: nempe ut, cūm quis peculiari naturæ instinctu ad honestum aliquod opus, putà ad studium sacrum, experitur se rapi, statuat locò illius aliud quid potius pii operis agere; descendendo exempli gratiâ intrâ se: valeat studium in præsens, sicut quippe destinatum hoc ipsi tempus, orationi potius, vel officiis charitatis impendere: auctultando interim, num quæ ratio persuadeat, studium potius præferre: pro majori enim, aut minori hujus pondere fas ei erit, quod decreverat, vel mutare, vel exequi.

14. Ex-

14. Explicari jam postulant geminæ illæ conditiones, quas capit is hujus initio necessarias esse diximus, ut exterior vita hominis prorsus sit, atque ex toto divina: nimirum ut nihil fiat alia potiori de causa, quām quia Deo id magis placet, sive aliter, quām prout Deo magis placet. Ordendo itaque à prima, debet, quisquis totus DEI esse, unīque illi vivere statuit, non modò in nullis occupari operibus, nisi in iis, quæ grata esse DEO videt; sed neque in his ipsis occupari, nisi quantum grata illi sunt: adeò ut & hinc moveatur ad aggrediendum, quidquid facit, & hinc perget moveri toto tempore, quo id facit. Ad hanc verò propositi sanctimoniam, & puritatem servandam, usui esse illi poterunt monita sequentia. Primum, ut caveat temere, & moris tantum gratiâ ullum facere vel ex minutissimis, & maximè ordinariis actibus, seu Religionis, prout sunt aqua lustrali se aspergere, crucis signum suprà se manu formare, genu ante Eucharistiam obiter flectere; seu officiis humilitatis, veluti coram aliquo caput detegere, & inclinare, atque alia reverentiæ signa edere: sed in singulis hujusmodi actibus usurpandis advertat id, quod tunc facit, & deliberatè illud velit, interiori

consentaneo actu prosequens externam illius honestatem. Secundum , nè incogitanter ab una actione ad aliam transeat, sed actu expresso se admoneat novi operis , quod inchoatus est : præsertim quando ad actiones transitur , quotidie recurrentes, & sui munieris proprias , aut communi ritu loci illius, ubi degit , sanctitas : in his enim plus periculi est , nè ex cæca quadam consuetudine , vel humano suscipiantur respectu. Tertium , ut animadverso novo à se suscipiendo opere illud confessim DEO offerat , profitens , divinæ voluntatis causâ se illud aggredi. Quia in re non uno tantum supernaturali fine contentus esse debet , quando plurium ibi adest copia: sed observare , ad quotquot diversas virtutes pertineat; & quot spirituales utilitates afferre illud opus queat , & è singularum amore idem velle: curando tamen , ut singuli peculiares hi amores ad DEUM , tanquam ad supremum finem suum referantur , & à sanctissimo ejus amore , tanquam ab universali omnium principio , atque causa proveniant. Quartum, nè satis habeat , cum ejusmodi voluntatis fine , & proposito admovisse operi manus ; sed in reliquo item hujus progressu eandem illam redintegrare voluntatem

tem studeat, idque crebrius, aut rarius pro diversa conditione unius, alteriusve sui operis. Nam, si tale illud sit, ut totam operantis attentionem necessariò requirat, coimmuniter loquendo, sat fuerit, ad singulos horologii pulsus eam instaurare. Sin verò non totam occupet mentem, redintegranda erit sèpius, per intervalla nimirum non longiora, quām ut possit aliqua ejus memoria per totum operandi tempus in animo præsens dura. Imò, si continuatio operis nihil est aliud, quām continua ejusdem reiteratio, quemadmodum in comedendo, ambulando, suendo, & aliis, quæ manuum labore exercentur, operibus; quoties aliquod ejusmodi opus novo in diversa materia actu iteratur, quoties putà alias, atque alias à comedente bolus ori ingeritur, toties quoque idem Deo poterit secundùm novam illam partem offerri: nisi tamen partes prædictæ (ceu gressus exempli gratiâ in ambulando) breves adeò, multæque essent; ut consultius videretur, earum oblationem per quinas conjunctim, vel senas, quām per singulas iterare. Quintum, ut specialius, & expressiori actu redintegrat conceptam initio voluntatem, non nisi propter DEUM operandi, quando ex su-

F 3

per-

pervacua aliqua solicitudine de sui operis exitu, vel aliis in præcedenti capite memoratis indiciis animadverteret, occulto humani alicujus finis respectu ad agendum se impelli. Ad cujus expulsionem debet omni studio, atque industria conniti, nec ferre ullo pacto, ut divini sui propositi integritas ulterius coquinari terrenis illius sordibus pergit.

15. Jam verò, ubi impleta rite fuerit prima hæc conditio operandi propter DEUM, & quia ipse operari nos vult; hoc ipsum sat incitamenti, atque causæ nobis suppeditat; ut alteram quoque impleamus, operandi juxta ipsum, & prout ipse operari nos vult, cum summa videlicet tum alacritate, & lætitia, tum studii contentione, & solertia. Communis quippe omnium, qui aliquid agunt, mos est, ut tantò libentius, & majori cum sedulitate suo operi vacent, quanto amplioris meriti est, cūjus gratiâ illud faciendum suscepere. Unde sapienter D. Ignatius suorum nonnulli, qui negligenter munus suum obiens, interrogatusque, cujus causâ operaretur, DEI causâ se operari responderat; graviorem dixit hoc nomine ignaviæ suæ culpam evadere, quæque laboranti pro hominibus condonari aliquatenus posset, nihil verò veniæ mereri,

in

in laboribus tanti Domini gratiâ suscep̄tis.
Non ergo par est, ut , qui vitam omni ex parte
divinam sectatur , ullum opus , divinæ vo-
luntatis notam præferens , & speciatim à su-
is sibi moderatoribus DEI nomine injunctum
illibenter suscipiat , & cum tædio , animique
molestia exequatur. Sed si quid naturâ suâ
molestem , incommodum , triste , ac genio
repugnans , ab iis , qui personam DEI ge-
runt , sibi agendum præscribitur , debet illud
non aliter , quām si à DEO ipso præscribere-
tur , obviis ulnis amplecti , gestiens in simu ,
& sibi met gratulans , quòd toto actionis illius
tempore cælesti suo Domino serviturus sit ,
quo nihil plūs amat , & cujus voluntatem exe-
qui , occupationis genus existimat , comes-
fationibus , ludis , venationibus , & quibus-
cunque aliis vitæ oblectamentis jucundius ,
Imò , quantò magis opus faciendum propen-
sionibus suis adversatur , tantò majori cum
gaudio ad illud se accingere , & versari in eo
debet: cùm certus esse possit , nullum ibi lo-
cum , nullásque agendi partes nativo instin-
ctui esse. Ità profectò , mi Domine , en me
paratissimum ad hoc , quod jussisti , exequen-
dum , toto illud animo volo , & amplector ,
tanquam rem omnium , quas hoc tempore

possem velle , & facere optimam : neque cum
ulla alia terrena occupatione delectabili , &
splendida commutatum vellem. Fruantur
profani homines delicatis suis animi remissi-
onibus , curarumque avocamentis , & otii ju-
cundè fallendi artibus ; omnibus ego illis hoc
opus antefero , chariusque habeo , quod in
eo tibi gratificer , & obsequii aliquid pra-
stet. Nempe hic unus est finis , cuius causâ
vitæ usuram accepi , hoc meum in terris po-
tissimum , maximique momenti est negoti-
um , imò hæc præcipua mea dælectatio , me-
rumque suavissimum pabulum. *Cibus meus*
est, ut faciam voluntatem tuam. (Joa. c. 4.)
Tali , inquam , cum hilaritate amplecti quod-
vis opus debet , quod sui Præsidis vox , divi-
næ voluntatis interpres sibi faciendum com-
mittit , cùmque eadem manus illi admovere ,
& cum eadem , si ejus absolutio plures dies ,
aut menses exigeret , quotidie ad illud prose-
quendum redire. Quod si temporis pro-
gressu sancta hujusmodi alacritas frigescere
inciperet , tædiūmque aliquod illius locò sub-
ire , & aviditas transeundi ad aliud quodpiam
gratioris occupationis genus , studeat , quan-
tum potest , ad pristinum fervorem eam in-
staurare : paratum se Domino offerens ad to-
tum

tum vitæ suæ tempus , si ità ipsi libeat , in eodem illo ministerio exigendum , & in conspectu illius profitens , quemadmodum in actionibus suis omnibus nihil aliud pro fine ultimo habet , quām divinam ipsius voluntatem ; sic eas omnes æquè charas sibi esse , neque ullam rationem offerri , cur unam magis optandam , & libentiū exercendam putet , quām alteram : nisi ubi esset certior potius in una , quām in altera se ei placitum : quemadmodum in illis est certior , quæ , quòd naturā adversæ sint , amari , nisi ex motivo supernaturali nequeant . Ubi etiam duo habeo , quæ illi commendem : alterum , ut ad hujusmodi hilaritatem facilius excitandam , & fovendam in animo ; curet in exteriori quoque corporis habitu illius speciem præferre , quæ agit , vultu ad lætitiam composito , & motu celeri , ac vivido , instar hominis , qui rei sibi gratæ operam navat . Alterum , ut , quando aliquid ei faciendum est , quod suo genio minus arridet , nè illud differat , & post actiones alias naturali suæ propensioni congruentes rejiciat : sed contra potius , quoad consueta quotidianorum actuum distributio permittit , primum ei , tanquam peculiariter charo , & dilecto in temporis ordine locum assignet .

16. Nisi quòd ad modum operandi, quam omnino DEUS vult, non satis est, cum hactenus dicta voluntatis plenitudine, & alacritate operari, sed necesse habet præterea omni studio curare, nè in operibus suis vel minimum quid de summa, quam obtinere aliquin possunt, sive interiori, sive externa perfectione deficiat: non minori cum sedulitate, industria, & solicitudine agens, quæ ex amore, & voluntate DEI agit, quam si in amplissimo quodam theatro universitatis totius oculos in se intentos videret, *spectaculum factum mundo, & Angelis, & hominibus*: imò juxta sensum Doctoris Angelici ita se totum civili bet actioni suæ impendat, *quasi tota salus sua, & omnis laus DEI, & universitatis utilitas ex uno illo opere dependeret; quasi nunquam ad id opus reversurus, neque opus postmodum aliud facturum.* (Opus. 62. de Div. Mor.)

17. Quòd si ad id rite præstandum institutionem magis particularem, & distinctam optaret, his regulis uti poterit. Primò studeat perficere, quidquid agit exterius, adjectione illorum interiorum actuum, per quos coram DEO externa opera dignitatem manuscuntur, & pretium: quales duo hactenus commendati sunt, nempe D E U M pro fine
ope-

operandi habere , déque sua in operando di-
vinæ voluntatis executione lætari : non satis
habens , supernaturalibus his ornamentis il-
lius principia decorare , sed attentiſſimè eti-
am proſpiciens , ut integra in eodem usque ad
finem perdurent : néve ullo temporis tractu
eorum loçò ſubeat , aut cum illis miſceatur ,
illorūmque puritatem corrumpat , ſeu terre-
ni alicujus finis ærugo , innasci ſæpe ſolita o-
peribus ſuâpte naturâ jucundis , & ab homine
ultro delectis ; ſeu acedia , & torpor , unde
coquinari mos eſt opera minùs grata , &
juſſu alieno fuſcepta .

18. Secundò , præter hujusmodi perfe-
ctionem interiorem , ac moralem , quæque
cunctis operibus conuenit ; aliam quoque u-
nicuique ſuo operi conetur ſuperaddere ex-
teriorem , ac physicam ; quæ pro operum di-
versitate diversa , atque in eo poſita eſt , ut
ſingula omnibus , quæ ſecundūm propriam
ſuam ſpeciem ſibi debentur , partibus , ac nu-
meris conſtent : unde , quiſquis illa intuetur ,
juſtam habeat rationem dicendi , nihil ibi de-
ſiderari ad omnimodam afſolutionem , cle-
gantiāmque , & conciunitatem poſſe . Id au-
tem præſtabit , ſi in quovis opere , quantum
fas eſt , proprium , & particularem illius fi-

nem

nem assequi curet; putà in cibatu refectio-
nem virium, in studio adeptionem ulterio-
ris doctrinæ: quem finem haud utique in pri-
ma prædictarum actionum consequeretur,
qui vel præ immodico abstinentiæ studio mi-
nùs plerumque cibi sumeret, quàm naturæ
opus sit; vel gulæ, atque abdomini serviens,
nimio se ingurgitaret, eoque deletabili po-
tiùs, quàm salubri alimento: quemadmo-
dum neque in secunda eum obtineret, qui stu-
diis operam daret, vel remisso, & dormitan-
ti animo, vel absque iusta methodo, explen-
dæque potiùs curiositatis, quàm solidi pro-
fectùs causâ. Advertendum est tamen, ità
hunc finem particularem, quæque in eo præ-
cipuè consistit, physicam operum perfec-
tionem quæri oportere, ut illius cura morali
corundem perfectioni nè officiat. Quod
eveniret, si operans absolutè, & omnimo-
dè illum assequi vellet: cùm illius assecutio
non semper in nostra sit potestate, neque De-
us instrumenta ad eam necessaria semper sup-
peditare homini velit; quapropter hoc per-
fectionis physicæ genus diligentissimè qui-
dem, quoad ejus fieri potest, consecrandum
operanti est, sed diligentia prudenti, & tran-
quilla: ità ut in ea quærenda non utatur, nisi
ho-

honestissimis artibus; & si iis adhibitis, illud tamen ob aliarum conditionum necessaria- rum inopiam, non se posse assequi videt; arguat hinc, DEUM non aliam, quām moralem perfectionem à se velle: eaque proinde contentus sit, tanquam ea, quæ una absolutè necessaria homini est, quāmque unam semper DEUS exigit, atque in promptu obviam, & parabilem esse omnibus voluit.

19. Tertiò, quemadmodum curæ esse illi debet, ut sua opera efficiat cum omni tam physica, quām morali perfectione, cuius unumquodque est capax; sic in procinctu ea aggrediendi, pro utroque effectu consequendo, DEI auxilium imploret; auxilium exempli gratiâ in cibatu, ut & nutrimentum, quod sumet, non noxiam, sed utilitatem corpori afferat; & modus, quo illud sumet, non damnosus, sed salubris animæ fit; auxilium in studiis, ut & scriptio, quam præ manibus habet, sibi ad votum succedat, hoc est juxta artis regulas, & suus circa eam labor sit, qualis DEI famulum decet, ad Christianæ nimirum perfectionis normam respondens. Et auxilium denique ad utrumque ex prædictis usibus in alio quovis opere. Nisi quòd perfec-
tio moralis petenda est absolutè, & quanta
esse

esse maxima potest ; physica verò cum indiferentia, cùmque tacita conditione, si, & quam tam obtinere ex majori gloria DEI sit.

20. Quartò, si plura instent agenda, cautεat eorum tempora, & curas importuna anxietate confundere : neque p̄ræ nimia de actionibus securis solicitudine properantius justo obeat, & necessaria attentione defraudet p̄ræsentem : sed cuiuslibet rei cogitationem in tempus, quo facienda erit, referens, toto animo, summāque cum quiete illi vacet, quam tunc habet p̄ræ manibus, velut rei, quam DEUS ab eo unam per id tempus requirit, & tanquam si post illam nihil p̄ræterea sibi agendum restaret. Quam in rem proderit, si intempestivâ, p̄ræpostera actionum futurarum curâ stimulari sibi animū sentiens, observet, unde illa originem ducat. Et si ex nimia timiditate, ac diffidentia oriri perspexerit, conetur tumultuantem sedare, partim animos sibi addendo, tanquam sat temporis habituro, ad ea omnia, quæ instant, quietè, maturèque absolvenda; partim secum reputando, sollicitas illas de rebus futuris cogitationes nihil sibi opis conferre, ut eas commodiùs suo tempore efficiat, sed eò solum valere, ut inaniter perturbetur, & quæ

quæ tunc agit , minùs studiosè , attentéque agat . Ubi causam , radicemque illius esse deprehenderit inconsultam plura agendi , & temporis lucrandi aviditatem , comprimere hanc studeat , reminiscens , nostra opera pro pondere potius , quām pro numero apud DEUM æstimari , & quemadmodum aureus numus vel unicus plurimis æreis pretio antecellit ; sic opus sæpe unum eximio virtutis nisi superactum vel sexcentis tumultuariis , & parum exactis præstare . Ubi tandem effectum illum esse agnoverit humanæ , & peculiaris propensionis ad aliquod ex operibus , quæ deinde est aggressurus , prius universale propositum suum instauret , nihil in quovis æctu præter divinam voluntatem quærendi : considerans , si ità verè compositus animo sit , nullam prorsus causam se habere , cur inter actiones æqualiter à D E O volitas majori in unam , quām in alteram studio feratur : ideoque par esse , ut , quemadmodum in ea , quam habet præ manibus , totum , ac plenissimum DEI placitum reperit , sic eidem totus , & plenissima cum voluptate animi vacet .

21. Quintò , inter externa ministeria obœunda , servare illud curet Ecclesiastici monitum (c. 31.) *In omnibus operibus tuis esto velox: stre-*

strenua cum agilitate illa exercens , gnavi , & fidelis servi instar , qui officia ab hero sibi injuncta exequi properat , quò plus nanciscatur temporis ad alia deinceps pro illius iussu exercenda . Qua in re tamen cavendum est , né nimia exterior festinatio interiorem animi quietem , & cum DEO conjunctionem perturbet , néve impedimento sibi sit , quò minus debita cum perfectione opus suum exequatur : prout facilè eveniret , si , qui imbecillo corpore est , properantiùs in operando se uerget , quàm vires suæ ferant : juxta communem usum loquendo , xstate , & robore integris fervens , ac strenua , senibus , ac valetudinariis moderata , & quieta agendi ratio magis convenit .

22. Sextò , dum orationi , aut divinæ rei vacat , duo specialiter , ceu maximè propria facti illius ministerii , atque temporis curanda sibi esse noverit . Primò mentis attentio nem ad DEUM , utpote quæ tantò in his , quàm in aliis profanis actionibus enixiori studio indiget , quantò in his , quàm in illis & magis necessarium , & minùs facilè est eam fixam , immotámque servare . Secundò exteriorem reverentiam , congressu , affatúque præsentis DEI dignam : cuius specimen ap-

p^a

parere debet tum in capite , & oculis , nequam
huc illuc se leviter circumagentibus ,
sed in humum dejectis , vel in cælum erectis ;
tum in manibus , brachiisque vel expansis , vel
supplicum , & adorantium more ante pectus
conunctis ; tum denique in totius corporis
situ , vel genibus nixi , vel stantis , vel supra pa-
vimentum humiliter provoluti . Quanquam
in aliis itèm quibusvis actionibus , & diei par-
tibus debet amans DEI servus , quique illum
affiduè præsentem intuetur , ex cælestis Do-
mini sui reverentia humilem quamdam , sed
juxta hilarem in toto exteriori habitu corpo-
ris modestiam præseferre , quæ & circumstan-
tes pio rerum divinarum sensu afficiat , & ipsi
quoque adjumento sint ad intimorem cum
DEO conjunctionem .

23. Septimò , stabilem , quantum fieri
potest , & eundem semper in operando , vi-
vendóque ordinem servet : quotidianas suas
exercitationes haudquam modò hoc , mo-
dò illo tempore obiens , neque easdem jam
brevius contrahens , jam diutius extendens ,
prout cerebra , & nunquam non varia ge-
nii indoles suadet : sed singulas potius eadem
semper diei parte , & per idem semper tem-
poris spatium : prout certo consilio , & ma-

G

tu-

tura rei deliberatione præmissa semel in perpetuum statuerit. Adeò ut quilibet subsequentium dieruin, spectato actionum inter se, horarūmque connexione, quam simillima dici possit præcedentium imago, & ad cognoscendum, quales ex sint, sufficiat vel unum ex iis vidisse.

24. Atque hæc dicta sunt universim circa perfectissimam, hoc est divinæ voluntati quam maximè consentaneam, externa quævis opera faciendi rationem. Nam ire per singula, & quinam huic, quique illi modus conveniat, speciatim distinguere, præterquam quod prolixia admodum tractatio esset; occupata jam pridem est ab Alphonso Janotto, in libro, cui titulus: *Praxes spirituales*; ad quem propterea peculiarium ejusmodi institutionum cupidos mittimus.



C A.